

四庫全書

史部



# 欽定四庫全書

史部

硃批諭旨卷二百十六之二

詳校官尚書臣德保

編修臣葉謙覆勘

總校官中書臣朱鈐

校對官助教臣蔡鎮

謄錄監生臣戴天民



欽定四庫全書

硃批諭旨卷二百十六之一

硃批趙弘恩奏摺

雍正六年十月十五日湖南按察使臣趙弘恩謹  
奏為遵

旨陳奏恭謝

天恩事竊臣接怡親王大學士張廷玉寄信雍正六年

八月初三日奉



上諭各省藩臬有准其具摺奏事者亦有本人未曾奏請具摺朕遂未曾降旨者今思藩臬乃地方大員應准其各就所聞所見具摺陳奏且即此可以觀其人之居心辦事爾等可寄信與湖南按察使趙弘恩伊若有陳奏事件初次具摺差人交門上奏事人轉奏嗣後從何處轉奏朕再降諭旨可也欽此轉寄到臣

竊臣一介微賤毫無報效於臣父趙世綸臣母李

氏及鏤爛軍器各案內臣俱應罷斥治罪深荷



皇上重疊天恩特賜寬宥復拔授按察使臣清夜自思  
不特功名榮祿出自

浩蕩隆恩即身家性命皆蒙

聖主格外保全臣雖犬馬少具人心感愧交迫寤寐警  
惕惟有恪遵

聖訓實心實力急公辦事聊效萬一茲復蒙

特諭准臣具摺陳奏聞

命之下益深悚懼謹將地方事宜三條另繕一摺恭呈



御覽臣以後奏摺從何處轉奏之處伏請  
以後奏摺齋文怡親王轉奏  
恩旨為此具摺恭謝

天恩謹

奏

覽奏知道了條陳三款一摺留中候朕詳閱另行批發

同日又

奏地方事宜謹開陳於後

一湖南地方苗徭繁多內有已附州縣者有歸屬



土司者有竝無約束者若輩不憚箠楚惟懼殺戮  
肆害居民已非一日臣細加察訪起釁之初一由  
漢姦勾引教令一由居民借騙攘奪及至告報到  
官地方有司又往往袒護不究是以搆怨愈深擾  
害無已臣所聞既確當即嚴禁察拏其有民苗搆  
釁未結之案督令作速秉公清理但內地察禁既  
嚴苗徭亟宜設法鈴制查各土司原有苗頭寨長  
旗長遞加管隸應嚴飭土官實心統束惟州縣苗

另降

諭旨



徭歷來每寨止設寨長一人遇有事件彼此推卸  
今應每縣僉選諸苗悅服者一二名立為苗長捕  
緝稽察一惟苗長是問每三年無過獎賞一次則  
推卸之弊庶幾可杜其無管生苗有能改邪歸正  
者應聽文武員弁開誠化導如其率衆投歸酌給  
寨長千百戶執照報明督撫立案每三年無過亦  
予獎賞倘再有頑梗兇橫更肆剽擄者應請動兵  
擒剿立即正法再查湖廣南州縣遇有苗徭剽殺民



人之案文武隣境多未會差兵役合力追擒更或  
互相推卸延至限滿查叅或混援苗徭自相穴鬪  
或捏稱是讐非盜朦朧外結陋習相沿有長兇風

### 合併陳懇

久經嚴諭各省諒該地方官自皆凜遵緝禁何必又頒  
聖恩頒諭嚴飭俾知凜惕益加奮勉則兇苗不致漏網

諭旨

良民得安衽席矣

一設立耜田攸關典禮守土官員泛視怠忽理應  
從重治罪前廣西桂臨縣知縣楊詢朋拋荒耜田



荷蒙

聖恩令其管理十年嗣後各省管理藉田官員有怠玩者即照此例行欽此臣之愚昧恐有不肖牧令於接受前官交代時因有經管十年之例思欲自卸仔肩捏揭栽陷亦未可定而離任之員仍留原任地方則交接官紳攬情說事勢所必有應請

敕下各省嗣後州縣交代其前項藉田及壇宇農具有拋荒傾敝者接任官詳報上司該上司委員勘實



然後將前任怠玩之員

題請革職照毀棄大祀神御之物律杖一百徒三年  
仍照原動價值追出交給接任官酌動修整造冊  
報銷倘接任官仍無整理或交代徇情并平時有  
怠荒者應令該管知府每於盤察州縣倉庫時即  
就便勘驗不時揭報照此究追知府徇隱失察照  
虧空例處分庶責有攸歸

此條候朕更加斟酌  
大典永垂於億萬斯年矣



一大小官員荷蒙

皇上格外施恩將錢糧耗羨分給養廉使之屏除苞苴  
悉心辦事凡有分釐之得皆是

高厚之仁然湖廣一省耗羨係按所屬額編錢糧扣算  
由州縣分交該管司道府廳收受如守巡各道中  
有每年可得銀一二千兩者有僅得二三百兩者  
府廳州縣可以類推多寡未均恐啟覬覦貪圖之  
念應請



特敕督撫將通省錢糧加一耗羨槩行隨餉解貯北南  
兩藩庫除扣存三分公用等項外儘其所餘銀兩  
酌量司道府廳州縣大小繁簡派定數目按季給  
發其州同縣丞典史巡檢等微員皆為  
另旨飭諭該撫籌計  
朝廷出力辦事亦應量為抽給則羣工共沐  
皇仁一體均沾實惠矣

以上三條是否可採統乞

聖裁謹



奏

覽

雍正七年四月二十四日四川布政使臣趙弘恩

謹

奏竊臣接管署布政司事劉應鼎移交支存正項錢糧除江寧省協餉短少并前任布政使羅殷泰虧空於各原案歸結外應存銀七十九萬九千八十一兩零又另存案候歸入正收雍正五年自首准



抵七年條糧部撥封貯鹽茶課各年續首糧課各  
官完貯虧空贓銀支剩扣還軍需餉米工料竝各  
年鹽茶耗羨雍正六年條糧火耗暨暫存雍正二  
三四五年未領俸工花紅寄庫軍需雍正四五年  
耗銀報資兵馬奏銷部書飯食前布政使管承澤  
署司劉應鼎各任內平頭等項共銀一十八萬五  
千九百七十九兩零再查正項內有借墊銀一萬  
三百七十四兩零係未經



題明之項臣隨清查檔案或係急等製備軍裝或係接濟行間兵食以及祀典難缺皆屬詳明撫臣通融一時現有俸餉本款可以收還不難歸補再臣任內亦曾於四月十一日因提標借支修補軍裝器械銀二千兩批司查議詳明借給議俟於秋季俸餉公費內扣還在案錢糧絲毫為重臣職司出納其一切別項借墊及各營無事預支餉米臣斷不敢擅行那動惟間遇關繫軍營地方緊要事務



一時不得不權宜變通以濟急需又係旋可歸補  
毋庸

題達免致觀望延捱但臣亦未敢稍有隱蔽嗣後如  
有此等借墊除詳督撫示行外亦必據實奏

聞再通省存倉米穀麥收豆粟青稞等項臣恐州縣中  
有侵那虧缺之弊現已派委隣府隣州盤察又忠  
孝節義祠暨

先農壇耤田臣恐有置辦未備之處亦現在委員勘



報合并陳明謹

奏

今命爾署理湖北巡撫印務雖係代攝為日甚久汝川藩職分內事俱當一一告之於署任庶便次第接辦湖北去川不遠仍當留心不時訪察毋謂不在其位不謀其政而置之膜外也至於湖北之任不可以為署篆而稍涉因循延諉再者改流苗民不法一事務須秉公審理尤不可借恐長刁風一語開脫劣員苗民之刁風固



不可長有司逞私滋擾誤國殃民之習縱而不懲可乎  
必屏却一切瞻顧執法研究使無纖毫遁情方為不負  
朕之委任也勉之苗壽等來亦有面諭之旨

同日又

奏竊查前任布政使管承澤署司劉應鼎各任內積  
有平頭并支剩地丁奏銷飯食及雜項耗羨充公  
銀兩內除因公支用已經造冊詳報准銷外剩銀  
一千九百二十二兩零俱已交臣接管臣到任以



來收放錢糧亦已餘出平頭二百餘兩隨查川省  
民賦奏銷現今每年有給部書飯食銀一千三百  
兩向係攤派州縣自雍正六年停捐臣擬將雍正  
六年應給飯銀於前署兩司平頭銀內動支其七  
年飯銀於臣任平頭內支給再有餘剩另充公用  
再臣衙門辦事之書辦每班三百餘人正資供辦  
各州縣解司條糧每百兩向有伊等飯食銀六錢  
查係出於州縣收糧積平銀內又有支放俸餉養



廉給帖發憑等陋規每年共計約六七千兩又查  
伊等飯食紙筆等項每年約實需銀四五千兩臣  
欲僅留條糧飯食一項而目前實未敷用今將有  
累屬員兵民等項陋規俱逐款嚴示禁革訖其餘  
無礙陋規暫為存留以資其用俟條糧墾增可得  
飯銀四五千兩再為漸次裁革是否可行伏乞

聖恩訓示再現今丈量科則冊籍臣恐各屬造報未能  
畫一致滋駁換耽延而書役更得藉端需索隨擬



就冊式詳送撫臣核定通發各屬照造并察禁府  
州縣均不得絲毫派擾民間合并陳明謹

奏

覽奏知道了照所請行移明署任可也

雍正七年八月二十四日署理湖北巡撫印務四

川布政使臣趙弘恩謹

奏為恭謝

天恩事竊臣於本年五月十九日荷蒙



聖恩命臣署理湖北巡撫印務聞

命自天戰兢無地獨是臣智短才庸撫躬愧懼受

恩愈重報稱愈難惟有凜遵

聖訓不敢以已卸川藩之事少為推委又不敢以署理撫篆因循延緩竭此身心矢志勤慎不避嫌怨不辭險阻以仰報

聖主深恩於萬一耳臣於五月二十二日將布政使印務交送臬司呂耀曾署理交盤完畢至七月初四



日起程於閏七月初二日抵襄陽府十三日抵常德府會審之案另摺奏

聞再臣途中詢問年成俱云德安府屬晚禾受旱武昌漢陽等府入秋以來雨澤愆期容臣到任查明陳奏岳州府常德府入夏少雨八月初六日起至初九日止日夜得雨雜糧蕎粟大為有益合并陳明為此恭謝

天恩謹



奏

湖南巡撫王國棟心有餘而力不足清慎勤三字朕皆許之然不能擴充識見毫無益於地方殊不勝任今命爾巡撫湖南矣可勉竭公忠企及鄂爾泰田文鏡李衛之居心行政以副朕望諸凡不必急求速效孜孜無倦循序料理自有就緒之日汝等封疆大臣首以馭吏導民整飭風俗為要潔已立名隨事應辦皆末節也湖南兵民刁悍兵不畏將民不尊官在下有陵上之心在上



有怯下之勢所以法令不行姦頑無忌甚為難治之省  
凡督撫其地者必先勉勵令通省共信不疑然後方可  
有為慎勿輕忽妄舉率意紛更一切興除動作皆須奏  
請斟酌妥確始見之施措於此處加謹加密更為切要  
至若開拓苗疆駕馭土民殊非急務即就湖南目今兵  
民情形而論亦非其時必待數年後威布化行民懷吏  
畏風俗醇樸營伍精練諸務妥協庶可言及也否則不  
端其本而惟末是趨恐不免有覆餗之虞慎之勉之母



忽

同日又

奏臣於七月初七日在四川綿州地方值家人捧齋  
硃批奏摺到臣當即遵

旨移咨知會署印呂耀曾訖臣出川時曾將藩司衙門  
一切事件開單詳細告知呂耀曾矣伏讀

聖諭命臣留心訪察川中事件臣當遵

旨訪察凡有所聞即行陳



奏今將臣目擊三條開陳於後

一四川藩司現在銷算歷年軍需檔案又值丈量核冊之際事冗案繁務宜精細方無舛謬臣在川時見科臣高維新清理丈量核算科則條分縷晰頗屬明敏居心坦白亦無欺偽似堪暫為辦理藩務以清案牘者也

一四川田地多有隱墾荷蒙

聖恩寬其已往許以自首



特遣科臣清丈今值查丈漸竣按畝計賦之際其各屬  
田地科則實有多寡未均之處如巴縣上田一畝  
合徵丁糧條銀六釐九毫零我眉縣每畝則徵銀  
九分七毫有奇雖田地各有山原肥磽不一而徵  
銀多寡似未應如此懸殊若仍因舊則陞科恐民  
力輸納維艱致起將來拖欠抗玩之漸仰懇

皇上特敕川省督撫及清丈科臣悉心察酌將糧則過  
重者量為輕減則小民益知歌舞墾者愈廣裕賦



便民兩有裨益再民間荒田原議勒限原業主一  
年開墾如一年不能開墾即撥給流民今民間多  
以已業難舍廣為認墾勉強目前全不計及日後  
力難盡耕致貽包賠之累至無主官荒為數亦覺  
無多現今查出各省流民已有七千二百餘戶恐  
將來有不敷安插之慮併懇

聖恩敕下督撫科臣善為開導倘流民有無荒可給者  
或於荒多之業戶早令佃種營生是亦安置之一



法也

一打箭爐地方甚屬緊要且五方雜處百番叢集  
況目今達賴喇嘛移駐革達離爐更近凡西藏一  
帶番蠻赴革達進香順便入爐交易者必多則內  
地客商赴爐生理者自較昔有加其中姦良莫辨  
恐生事端查雅州已改府治似應添設同知一員  
駐劄打箭爐撫綏彈壓其外至革達內至烹壩地  
方俱歸該同知管轄至打箭爐既設同知所有現



在驛丞一員允宜裁省驛務即交該同知管理再  
自雅至爐就中瀘定橋地方係各土司入爐歸總  
之要隘應設巡檢一員專司稽察即歸同知統屬  
則聲勢聯絡地方益覺寧謐是否有當伏乞

聖主睿鑒敕下川省督撫議覆施行謹

奏

所奏三條候朕斟酌另諭川省督撫察議施行

同日又



奏臣蒙

皇上委任會審永順土民聚衆控告潘果一案捧讀

硃批臣復於閏七月十一日途次澧州見大理寺卿苗

壽工科給事中唐繼祖口宣

聖訓臣跪聆訖即於是日起程同赴常德於十六十七  
等日據土民呈詞按款研訊因有應提質審要犯  
及查勘卷案節次飛提於八月初六日到齊復加  
嚴究各犯供情臣等俱經詳訊明確按潘果確實



罪款照例擬絞其各舍把頭人擅自聚衆目無法紀亦已分別首從照例定擬至潘果任意妄行紛紛滋擾該管各上司早無聞見殊屬不合雖經揭叅并自行檢舉在案而揭叅遲延之咎亦屬難辭臣不敢少有瞻顧徇隱竝將督撫司道等官開列職名隨本附叅具

題矣所有苗地情形分列七條進呈

聖覽伏乞



皇上訓示施行

一查苗獍生性冥頑不靈且復多疑治之之道惟以忠信明決迅速簡易為當若少遷延必起狐疑臣愚以為重大案件以及土苗漢民爭殺命案仍

此論

宜照例歸結其餘一切苗地命盜案件似可以土

三五

年治土飭令府縣就案立即剖斷若凡事詳解勢必

是土

遷延拖累與新開苗地之輿情不甚浹洽統俟三

五年非流改歸之謂何於此當加詳細斟酌

良頑梗盡歸



王化一切案件按限照例遵行庶政有次第而

聖德裁成於永久矣

一永順乃新闢苗疆土苗野性未定俗例刀耕火

種頑梗不靈今蒙

聖恩准其改土歸流土民得免苛政已入

王化

臣等聽審之下各吐實情直陳無隱臣愚以為先

清丈

之舉原可不必已降諭止之矣

行開導化誨而清丈田土之事少為遲緩俟保甲

學校俱已行定之後再行清理畝畝庶頑梗易於



樂從矣

一永順土司舊設土兵今官兵既設理應革除但

恐其游手不安本分似應令其入營當差此項工

此事

須與武員商籌偏僻等處倘不樂從強行無益若慮

此輩

食應於所設額兵內陸續查有守兵逃亡空缺以

伍又

一兵之餉作給土兵二名工食之用既可安其心

伍又

能保其安心靜聽乎此議殊不妥協

兼獲嚮導之利矣

一永順素無賣米行市今既駐劄官兵其需食甚

多至青黃不接之時米價又復騰貴似應將兵丁



冬春二季應領折色米銀先行支發令該管官弁預備米石按季給領則兵丁可免糴買艱難之慮支發米銀等務在汝等文武大員共相酌計而行也矣

一永順水陸道路險峻穀米內運艱難應飭各縣

此條將來錢糧令輸納米穀本色貯倉按季撥作兵餉大有關係當與督臣詳議而行之利害相半之事至土司所獻官莊每年秋收穀石亦應撥給兵丁不宜草率遽立主見作月米之用似無庸屯貯以起土苗覬覦之念也

一查土司彭肇槐所獻官莊糧穀土司只給佃戶



十七石口分之外餘盡徵收潘果照苗民之例一  
斗種徵穀一石共計八十四石餘種每年徵穀八  
百四十餘石然地有肥瘠土有厚薄一例徵收於  
理未協應飭府縣查明上中下田土按則徵收方  
為合例再永順秋糧每年徵銀一百六十兩潘果  
據舍把之稟每戶一分徵收共計一萬九千八百  
餘戶徵銀一百九十八兩零雖經全解藩庫餘銀  
准作下年秋糧遷延拉扯亦不合例應飭府縣照



是

依一百六十兩原額分派徵收方屬妥協此條已  
於審案內聲明矣

一臣訊各土人俱云自改土歸流之後盡得安居

容美

臣愚以為此後再將舍把頭人革除則新闢各苗

疆

自紛紛條奏者甚多朕皆不取田畝如已知悔

艾敬

懼嗣後可保相安守法諸凡不必過於苛求但聞

孤立邊方不無唇齒之慮但其現在惡款未著叛

向來

督撫等多有受其賄賂者當深以為戒即尺布斗

粟之微亦不宜沾染

皇上柔遠恤苗之



聖慈教誨感化使之改過遷善前臣出川時撫臣憲德

提臣黃廷桂將其濫給委牌一事告臣臣至荊州

朕諭邁柱之旨甚悉可密詢之府時聞督臣邁柱已遣荊州道高起親身嚴加訓

誨臣仍不時訪察以防其詐當無厯

聖懷也謹

奏

覽

同日又



奏臣於四川布政使任內經手一切正雜錢糧交存數目俱分晰造冊移交接署布政司呂耀曾并報明督撫訖其通省存貯倉糧臣已派委各隣府隣州盤察及忠孝節義祠宇

先農壇耤田等項亦已分委各員查勘以及一切事案今臣卸事俱逐件交與署司留心辦理再臣以在任日期計算得養廉銀二千四百二十七兩零內除抽幫學院養廉捐給塘丁報資等公用外餘



銀二千一百餘兩以作養贍家口内幕束修等費  
深沐

聖恩舉家感戴又查臣在任三月積出平頭銀四百九  
十一兩零內支給過院吏奏銷飯食紙筆共銀二  
百四十兩零餘銀交與呂耀曾以備湊支地丁奏  
銷部書飯食之用理合陳明謹

奏

操守第一要緊當極加砥礪汝等漢軍之鄙習人所共



金匱要略卷之二十一  
知者惟此貪之一字朕不能不為汝慮也

同日又

奏為遵

旨密行事雍正七年閏七月初五日准戶部咨開議得

永順等處已奉

旨令趙弘恩料理應將鎮算總兵官周一德鎮算道王  
柔原奏發與趙弘恩會同邁柱王國棟查議等因  
奉



旨依議即密行文與趙弘恩令其會同辦理欽此為此

合咨前去欽遵施行移咨到

臣臣

即遵

旨會同湖廣督

臣

邁柱湖南撫

臣

王國棟查議得永順

土棍聚衆控告潘果一案前經據報飛檄鎮道迅  
往撫諭又差委員弁持示往撫旋即解散土民俱  
各安業其從前議撥官兵八百名已經臣邁柱於  
改土歸流案內接准部咨檄飭副將朱文華迅帶  
原撥辰協兵丁赴永駐防竝各標營派撥官兵立



催赴永分防布汛現今兵威整肅地方安靜其該鎮道請撥官兵以足從前所議八百名之數分防布汛之處應無庸議再聚衆首從之舍把田爾根等四十餘名俱已陸續就獲臣趙弘恩業已遵旨會同苗壽唐繼祖逐一秉公審擬現經具

題聽候部議發落是首從俱已治罪亦可懲一以警其餘再若請兵分布嚴追研究押令土衆舉出首惡盡行擒捕究擬勢必將散處各寨守法之人拖



累株連是滋擾搆釁之端已息而復肇矣其該鎮  
道請令勒從之人舉出倡議之人盡行擒捕究擬  
之處亦無庸議至潘果縱役擾民激變苗衆王柔  
係專管之員竟無聞見聽其苛刻凌虐及舍把等  
聚衆拏役王柔帶兵前進身至王村頓生退悔復  
以駐劄遙為聲勢為解等情罪已於會審案内附  
叅聽部議處惟是此案緣今改土為流在土民則  
是出水火而登衽席在舍把則如豺狼之就籠檻



不能恣其吞噬遂乘潘果不善撫循之隙鼓惑號  
召以致聚集多人而土苗畏懼不得不惟命是從  
也應請凡有漢姦冒充舍把者照例移解內地安  
插其餘舍把頭人盡行革除再有犯法之事即行  
究處立移內地安插飭令新設府縣等官查明土  
民戶口照依內地清編牌甲設立保正百甲責令  
管束該府縣每於朔望宣講

聖諭



廣訓化導愚頑如此則姦頑可變良善而土民亦無不遵法向化矣臣等謹合詞具覆伏乞

皇上訓示遵行謹

奏

所議俱是王柔乃踴躍趨事之員但諸事急於求效不免孟浪之咎當棄其所短取其所長保全用之

雍正七年九月十九日署理湖北巡撫印務四川

布政使臣趙弘恩謹



奏臣於本年九月十一日到任署理湖北巡撫印務  
竊查湖北省城積習訟棍滋事姦吏舞弊府縣審  
理案件疲玩成風任意延擱而江漢又係省會衝  
區易於藏姦納垢臣到任之後已將巡撫衙門蠹  
書姦役重懲十有餘人其餘容臣竭力清查其各  
屬錢糧有無虧欠現在明查暗訪務期不致少有  
欺隱朦蔽至於諸屬員進見之時臣悉明白指示  
剴切開導務期



國家得人以慰

聖懷若有聲名狼藉貪酷虐民者自難少緩叅處其餘  
平庸遲鈍者或係初任之員或係迂腐之流臣愚  
以為宜嚴加教訓以觀後效倘至再三不能化誨  
或令其改教或令其罷任亦難姑容以貽民患惟  
是臣蒙

聖主命署封疆鉅任自知才短識微日夕惶恐嗣後凡  
有識見短淺之事惟有具摺奏



聞懇祈

皇上訓示遵行再奉

旨密拏大盜趙七臣於雍正五年聞該犯於春間私到此非公然差拏之事稍露風聲必致遠颺當密訪的確漢口臣十月復任武昌道時比即差拏未獲今已一舉就擒方好如此拙辦趙七不能獲矣設法密緝務期拏獲嚴究以昭

國典再原任寶慶府知府許登瀛聽訟明允辦事勤

敏差委辦理軍需盤查倉穀俱能實心任事今蒙

汝與遣柱商酌遇有缺出即行題補聖恩仍留楚省補用臣與督臣商酌俟有緊要之缺以



之

題授可收得人之效合并陳明謹

奏

今爾赴任湖南更非湖北可比須勉之又勉封疆大吏之責惟察吏一事但能令屬員知懼各皆循分盡職何事不克辦集一人之心思耳目有限安能周徧通省然欲使屬員知懼亦不在故為嚴厲動輒叅劾也是非懲勸少不公明人焉肯服如鄂爾泰田文鏡李衛無他伎



倆不過能令屬員心悅誠服耳湖南風俗大抵民刁兵悍武弁俯就兵丁有司縱容百姓較之他省尤為難治積習已久不可驟加繩墨亦不可因循姑息如治亂絲徐徐不間次第整理自當就緒不然非過則屬不及何望成效至於苗疆事務只就目前局勢隨宜料理切勿多事貪功致滋紛擾民俗未淳卒伍未練豈可捨近求遠輕舉此等事耶誌之密之此外更有訓汝之旨隨便陸續批示



湖廣總督臣邁柱署理湖北巡撫臣趙弘恩謹  
奏為恭請

聖訓事案查欽奉

上諭目今各省內或有尚未分給養廉之員著各省督撫悉心商酌一面辦理一面奏聞經湖北撫臣馬會伯准到部咨在案竊臣等查湖北養廉尚有多寡不均參差未當之處應請更定以裕羣工湖北每年耗羨銀一十一萬一千八百三十九兩零除糧



驛二道及武昌同知另項撥給外其布政司以下  
州縣以上照事繁簡議給養廉竝辦公務銀共十  
一萬一千四百兩尚餘銀四百三十九兩有零留  
充公用至署事之員既有本任養廉則署事之銀  
應給一半其餘一半留充公用凡有差遣離任之  
員支給半分以養家口其署事之員分領半分以  
辦公事至於雜職等員任輕事簡既有俸銀可供  
食用似可毋庸議給養廉但值奉差四出或有那



借遲延之累議於出差之時量差遠近於充公銀  
內撥給盤費自無誤公之慮矣是否有當臣等未  
敢擅便伏乞

皇上訓示方敢具

題謹

奏

舉凡直省此等奏請朕槩付之一覽而已是當與否在  
汝等秉公斟酌辦理也



雍正七年十一月初七日湖南巡撫臣趙弘恩謹

奏為恭謝

天恩事竊臣署理湖北巡撫印務甫經十有三日又蒙  
朕以為汝尚在常德未及赴任不料審案如此速畢已  
聖恩補授湖南巡撫聞

命自天戰兢無地十月十八日奉到

硃批諭旨臣謹遵

皇上指示次第辦理另

奏外荷蒙



聖訓開導愚蒙銜感五內刻不去懷以為終身之所遵

循者也

能知戰慄始克常保榮寵敬慎二字時刻不去懷抱方  
恩賜翎帽榮寵之至臣益加戰慄謹遵  
諭旨凡有所為必先奏請方敢遵行復念臣闇劣庸才

至愚極陋封疆重寄責任匪輕一月以來朝夕惶

不避嫌怨寤寐悚惕惟有殫竭心思夙夜匪懈不避嫌怨

不顧身家以仰報

之理太上所謂忘其身而身存世事大抵皆然今名榮  
聖恩於萬一耳但臣智短才庸湖南一切事宜諸多未



祿豈可以權術機謀得者此理須要見透見透無疑方能立志不撓也竭力勉之聖訓詳加指示斷不能周詳盡善也懇祈

皇上准臣親身赴

且不必來京朕隨便之批諭與面諭無二果肯立志向

關面請

上遵訓而行於一句數字之中即可心領神會若不肯訓誨庶地方得以安靜而風俗得以醇穆矣合并陳明聽受祇承便面訓數千百言亦復何益遲一兩年後再

為此恭謝

命汝來  
天恩伏祈

皇上睿鑒施行謹



奏

燈下所批字畫潦草汝其詳加審視

同日又

奏臣到任之日經前撫臣王國棟交臣之事臣當一  
一辦理謹列於後伏乞

聖覽

一奉怡親王等寄信奉

上諭各省



龍神廟原為地方祈求年穀豈可聽愚民附會祈求以致褻慢欽此伏查湖南湖北

龍神祠向俱潔淨供奉臣當不時稽查不許閒人瀆  
好  
擾

一大學士公馬爾賽等寄信奉

上諭凡

龍亭御碑亭該有司等應當加意防護修理欽此臣現在  
湖南地方或未必有如有當實力遵旨奉行  
飭查修理



一大學士公馬爾賽等寄信奉

上諭近聞西洋之人外省府縣中尚有潛藏居住者本地無賴之人相與往來私從其教恐久之湔染益深

甚有關於風俗欽此臣已嚴飭各屬星飛查報倘有不過送至其地而已不宜過於拘束非犯罪之人可比

潛住之人臣當遵  
莫令外夷怨怖有失中華柔遠之意  
旨委官押送澳門安插

一臣聞四川墊江萬縣七月初間百姓不容丈量扯旗聚衆約千餘人係因丈量之臣過於急遽不



善勸諭之所致也撫臣憲德委高維新提臣黃廷

此事

朕已悉知

桂委中軍官同往慰諭勸釋等語此臣風聞之事

恐未確實理合遵

旨奏

聞謹

奏

覽

同日又



奏臣准前撫臣王國棟移交冊內有遞往廣西軍犯  
達色等七人沿途布散流言一案除長衡岳三府  
協營兵役已經訊明覆

奏外其永州一府尚未解到應催提訊等語臣隨檄  
行護理按察司原任寶慶府知府許登瀛將永州  
府遞解兵役解臣訊問隨據許登瀛呈請將沿途  
住歇店家一併提訊詳報到臣臣因所詳近理當  
即密飭速提解訊毋得驚擾地方茲據陸續解到



各鋪店人等臣俱逐一詳訊所有訊過各供另敘  
簡摺恭呈

御覽仰見

皇上聖明先知先覺無微不燭確係逆黨怨望造作無  
於此語內下一正字雖云避諱

甚屬不通影之言沿途布散實屬情正今既訊出造謗根由  
理合據實奏

聞謹

奏



詳閱各供詰詢明晰殊為可嘉候另有諭旨

同日又

奏湖南民情蠻蠢刁悍勝於湖北少加姑息難於安帖上下各官近以寬容居心和藹處事以致案件疲緩姦胥猾吏朦蔽妄行臣到任之始即將臣衙門及兩司蠹役二十餘人嚴拏懲處凡有各官進見臣俱切實指示一切案件不許耽擱遲則查懲湖南吏治過於嚴急恐激成事端然不得不稍加



主見嚴飭方可整此委靡之風或俟半年一載之後再

上行寬嚴互用似屬妥協誠如

上天闔省官民各具有心思耳目當寬而寬當嚴而嚴未

聖諭數千里外明徹如鏡臣捧讀

有不感動畏服風移俗易之理若預立意見專以權術

硃批不禁歡欣踴躍之至但臣才短識微諸多未諳驟

御下欲冀人心不變化行俗美之效恐無此神通妙用

也但當做法鄂爾泰勉之勉之

皇上訓誨遵行

一府廳州縣不能勝任者居多若驟行

題叅誠恐接任者又係新員反不如該員之少經歷



練臣愚以為當嚴加訓飭或以文檄或用手書或  
面加教導三令五申之後仍前廢弛政務斷難姑  
此見甚是統屬之道汝得之矣但觀所言與行相符否  
容定行參處至於貪酷有害於民者則當急行參  
也

革也

一新闢苗疆所有府縣城垣據道臣屢請建造約  
用銀六七萬兩臣愚以為新闢苗疆當以撫恤化  
誨為重應俟梗頑向化之後漸次建造亦不為遲  
新闢府縣建造城垣亟當題請正項錢糧速為興工者  
且內地州縣無城者不一而足況苗地又歷來若



至若內地城垣較非急務可徐徐量力而為之事  
此者也應否如是伏乞

聖訓遵行

一湖南風俗不端人情刁惡荷蒙

聖恩特遣觀風整俗使臣李徽巡行化導

朕用李徽正臣見李徽品

為伊

天良可取

行端方語言正直一派天良毫無私曲與之言論

與臣意見相同臣思移風易俗出示告誡恐愚頑  
視為具文不若獎賞羞辱二端易於感動人心臣  
愚以為凡有孝悌友愛端方良善人等令其按李



報臣於臣養廉項內賞以花紅匾額其有兇暴匪類不守本分等人亦令按季報臣照律究處仍於該犯門首懸匾辱之或一二年間人情貪賞懼辱由勉強而及自然或可為移風易俗之一則也應此論甚通可謂創興之美政但分別姦良必須察訪的否如是懇祈

確  
皇上訓示遵行

一大學士公馬爾賽等寄信到臣奉

上諭羅教一案當分別輕重生事倡首者不可不懲無



知附和者量加寬宥總期化導愚頑去邪歸正以杜  
蠱惑人心之漸欽此臣即密行寄信各屬善為辦理  
俟查明解訊到臣之日臣當遵  
如此方是  
旨酌定分別輕重不敢株連無辜也

一大學士公馬爾賽等寄信到臣奉

上諭湖南匪類賣藥一案鄂爾泰緝獲江自得解楚面  
質令臣與王國棟詳細研究無枉無縱欽此臣查許  
英賢等經前撫臣王國棟已經解往江西原籍安



插臣現在飛咨江西提解來楚其雲南之江自得  
已於十月二十五日解到臣詳細研究狡供不認  
俟提到許英賢等嚴審明確另行奏

聞謹

奏

此案據滇省奏稱江自得已供認不諱其事似有影響  
大抵前因王國棟疎忽從事所以未能究出雖然豈可  
令無辜濫被冤抑須秉公研審務得實情封疆大臣於



是非真偽必具確見將一派忠誠對朕方是若一味迎合揣度以為敬慎則大誤矣萬不可蹈襲此輟勉之誌之

湖廣總督臣邁柱湖南巡撫臣趙弘恩謹

奏為奏

聞事竊臣等接到瀘溪縣知縣孫鏡申報土百戶吳貴三等黨佔民田不納錢糧每年累縣賠賦又土苗吳老花將鎮兵齊國俊擒拏入寨勒銀贖回是以



吳老花等不服捉拏獅子山僧人入寨又放火延  
燒民房放鎗傷死楊桂讀楊桂景等控鎮控道各  
官偏袒改為偷竊傷人又吳貴三將吳老金等之  
妻與弟拏入寨中乾同知拘拏百戶吳得勝而吳  
貴三統率苗衆至乾城放鎗勒釋歸寨等情到臣  
臣等現在飭提秉公確審另  
奏理合先行奏

聞謹



奏

凡如此等事件切不可草率將就完結以滋長姦弊文武官弁中如有隱諱捏飾情形務須究明底裏嚴叅重懲以示儆戒

雍正七年十二月初九日湖廣總督臣邁柱湖南巡撫臣趙弘恩謹

奏楚南一省湖山廣濶每多盜匪臣等竊思弭盜必清其源每見追比捕役而盜風愈熾蓋因捕多養



盜待至追比嚴迫始將竊賊數名支展搪塞又使積滑巨盜四出刼掠以供費用此若輩之故智故真盜終難全獲臣等以為必設法密獲真盜一二名恩威互用誘其直報實在盜匪巧密擒拏庶可以寒捕役之膽而杜盜捕通同之弊似屬一策臣等即以此意密授護按察司事原任寶慶府知府許登瀛悉心辦理今據許登瀛稟報拏獲積盜鄒細徠仔一名乃犯案充發逃回之犯訊據供稱認



識盜犯姚士公住安慶府八卦門張九住江西南  
昌府廣城門又報出趙二住儀真縣龍門橋又曾  
住漢口還金樓詰問趙二是否即係趙七據供他  
又叫趙七他頭上有疤子還聞得他有弟兄六人  
著落儀真縣典史的捕役盧士宏就知道了等語  
又據報出盜匪張二住湖北漢陽縣毛老五譚國  
亮等十一人俱住湖南衡陽縣等情臣趙弘恩即  
提到鄒細徠仔親訊該犯供吐無異隨密札江南



江西安徽著拏趙七弟兄六人盧士宏姚士公張  
九張二并委長沙協都司謝瓏等前往衡陽旋據  
拏獲毛老五等十餘名現在飭審理合先行奏

聞謹

奏

日前有諭邁柱之旨趙弘恩汝試問之實緣督撫庸劣  
不能鎮密致令風聲遠播所以巨盜趙七遠颺也如終  
不能獲朕看范時繹邁柱何顏仍復忝居督任



湖南巡撫臣趙弘恩謹

奏臣查拏獲逃盜鄒細徠仔供出趙七等緣由臣現  
會同督臣邁柱具

奏外查鄒細徠仔所報衡陽各盜臣於解到時當交  
按察使張璠帶同原任寶慶府知府許登瀛密訊  
務期無枉無縱旋據張璠等稟稱訊據各盜又報  
出各省強竊盜夥六十餘名及捕役李四何清等  
通同分贓臣隨又分行密拏因洞庭湖素為盜藪



察緝吏屬緊要復委都司謝瓏帶同積捕李四等  
前往洞庭一帶密買船隻令其每船撥健兵數名  
選帶積捕積盜各一名扮作客船在湖內往來密  
緝一有賊船若輩自能窺認立時就擒但差出弁  
兵臣酌量給賞而帶去盜捕俱屬有罪之人可否  
仰邀

聖恩如積盜積捕能同獲實在大盜五名即

奏請各減罪一等能獲十名減罪二等再多以此遞



減使各知奮興出力再此等積盜徹底清查自多  
從前諱匿之案恐各省州縣等官畏叅拏護不為

協力追擒可否併邀

朕屢諭甚明此在汝等隨時權宜而為者果遇賢員何

聖恩

特敕

凡有

各盜

供出

行劫

未報

之案

無論

遠近

該

妨題

請寬

宥況

從來

自行

檢舉

者朕

皆不

罪也

如云

特

勅寬

免叅

處爾

意謂

通行

直省

耶止

寬力

會擒

盜匪

根

株可

淨商

民均

獲安

堵應

否如

是臣

未敢

擅便

統

家成

法攸

關殊

屬不

可

乞

聖主訓示遵行再許登瀛既於護臬司任內領臣指示



查出積盜故今仍令隨同密審許登瀛亦依臣訓

將經不避嫌怨嗣後拏獲之盜臣俱令竭力會訊合併

陳明謹

奏聞之處令伊知之更為嘉勉令其奮志自效

奏

覽

同日又

奏為奏請

訓旨事竊臣一介庸愚捧讀



硃批訓誨諄諄不啻耳提面命惟有恪遵  
訓諭雖由朕躬實心奉行與否則在汝也勉之勉之  
聖訓實心奉行聊效萬一也茲查湖南積欠錢糧自康

熙五十九年至雍正六年地丁等銀米共八萬有  
零細加訪察其中民欠者固有而胥役衿棍包侵  
者亦多在各印官每以徵輸本年額賦為急務兼  
之庶政殷繁雖有帶徵之名竝無清追之實臣現  
令各州縣衛開造花名欠冊擬俟齎送至日先儘  
欠多之處派委試用人員持冊親往各鄉照依冊



開欠數曉諭花戶清對實係自欠者催令速赴本  
縣上納如係已完捏載欠數者許花戶稟首即於  
包侵之人名下追完治罪如此逐漸委員清查或  
湖南吏治清楚通欠乃屬末節沉為數不多何必如此  
積逋可清而試用之員亦得藉此學習矣是否有  
急遽辦理  
當伏請

皇上訓示遵行再楚南十一月內雨雪一連十有餘日  
臣詢及農民皆云三冬雪足三伏雨盛來年可望  
大有此皆我



聖主恩膏普徧之所致也臣不勝歡忭之至合竝奏

聞謹

奏

雨雪應時固屬豐登嘉兆然必待秋收後方可以為定  
準去歲王國棟亦曾如是奏報云云汝試問之可也似  
此預期大有皆屬肆志妄論嗣後不可惟以公忠念慮  
對越

上天敬慎以俟於一切莅政臨民處能不獲罪於鬼神雨



曷時若朕可保其必然也第當務本根本既立諸凡自然順遂獲蒙

彼蒼之垂祐矣勉之敬之

同日又

奏為奏

聞事雍正七年十二月初五日訪聞湘潭縣曹家馬頭泊有扒桿船隻上插黃旗內坐龍大老爺口稱奉內府差往廣東開礦現有印牌張威揚勢爪牙亭



立臣隨密差標員前往會同文武圍堵盤拏於初  
七日據標員等將龍琯及隨從之人拏獲并搜出  
諭票一張押解到臣驗看印文俱屬偽造內寫內  
務府奉怡親王諭委等字樣覆加審訊龍琯直認  
假冒不諱至票內所載王諭一道知照一角供係  
虛填臣思此種棍徒假印公行冒稱王差不法殊  
甚除鈔錄諭票押發布按二司追審定擬另

題外理合先行奏



聞捏造原票併呈

御覽謹

奏

此事邁柱亦經奏聞朕批諭明係棍徒假冒復有何疑  
今既審出實情即當徹底窮究詰其在京有無線索及  
同夥之人審結定案應以光棍律懲處示儆

同日又

奏竊照長沙府前任瀏陽縣王欽命詳報生員朱汝



瑚并已故劣監朱紹賢等恃衿肆慢一案已經前  
撫臣批司查訊臣到任之後復據署任瀏陽縣陳  
夢文呈驗朱姓家規一本其端稱謂一條內有侏  
儻左衽可變華夏二語當此

聖明之世飲和食德在在蒙休乃敢肆其犬吠狂悖褻  
觀此二語或出無心無甚干犯忌諱處況本朝衣冠並  
慢臣不勝痛心髮指意必曾靜一黨當即飛飭細  
非左衽此案不必窮究可嚴飭示儆更將此奏及所奉  
朕之恩旨一併轉諭令其知之  
無知竟蹈彌天之罪與曾靜實不相識反覆嚴詰



堅不承認理合先行據實奏

聞家規一本竝呈

聖覽謹

奏

如曾靜等此種匪類之為害於國家不啻嘉穀之有螟  
螣勝於盜賊數倍極當嚴究黨惡盡法懲處不可藉口  
草野無知疎縱養姦湖南地方稽察匪類最為要務留  
心緝訪不容少懈目下且毋露意俟朕寬免曾靜之諭



通行頒發令山陬僻壤盡已曉喻之後然後從而盡力  
嚴究之

硃批諭旨卷二百十六之一



欽定四庫全書

硃批諭旨卷二百十六之二

硃批趙弘恩奏摺

雍正八年二月初四日湖南巡撫臣趙弘恩謹

奏為恭謝

天恩事本年正月初一日臣齎摺人回敬捧

御賜福字並克食到長臣即郊迎至署恭設香案望

闕叩頭謝



恩祇領訖隨將

恩賜克食留各屬在署挨次分嘗臣等既羣瞻

宸翰之光輝復共拜

天厨之芬馥歲朝得

福元旦承

恩共謂千古奇逢爭相感為良吏臣從茲時讀

偶於一時一事天理發現所謂秉彝之良人皆有之必  
殊批私念全消天理活潑由此益加警惕臣雖賦質庸

也日知其所亡月無忘其所能始可為自新之功也

愚凡有心領神會之處當即告示諸屬期其忠誠



庶謹切實無欺專尚根本不事機謀共相圖報

天高地厚於萬一耳再長沙連年禁止花燈爆竹民情  
此等處原不必繩之太過但須禁其爭鬪抑其奢靡之  
習可耳

昇平以期化導再各屬冬季雨雪霑足現在米價中

深慰朕懷米每石自六錢至八錢二三分不等上米每石自

七錢至九錢不等合并陳明為此恭謝

天恩謹

奏



覽

同日又

奏臣初任封疆時深惶悚蒙

皇上諭旨著臣效法鄂爾泰居心行事適督臣鄂爾泰  
自粵回滇路經長沙臣於正月二十七日接見相  
與言論四晝夜見其一片丹心開誠布公且認理  
的確毫無沾滯以公忠報

聖主以感化待官民於臣識見未到之處分別輕重詳



細指示至於封疆大任應辦應行之事鄂爾泰亦  
多方開導臣頗有受益之處自茲以後臣當凜遵  
聖訓勉力效法竭盡駑駘以仰報

聖恩於萬一耳鄂爾泰已於三十日起行臣送至瓦雀  
溪於初二日回署理合奏

聞謹

奏

汝獲遇鄂爾泰與之晤對講議至四五朝夕乃汝之厚



幸大抵立心向上之人見鄂爾泰未有不感奮者即愚不肖輩領其言論觀其動作除禽獸木石之無知亦未有不愧勉者實屬不世出之名臣也然欲效法鄂爾泰先當求其本鄂爾泰之超乎庸常者無他不過公忠二字耳若徒以才情識見較鄂爾泰之長短則誤矣凡人各有所長率因根本既失所以耳目心思俱絀一切智力皆不及也今以種種榮辱得失之念居官為人而欲企及鄂爾泰如何可能至不能時而諉之曰才情識見



有所不及實乃自誤之論傳云心有所恐懼則不得其正有所好樂則不得其正有所憂患則不得其正懷不正之心以處事待人安能得其中耶如欲效法鄂爾泰惟當返求諸本方可勉之

同日又

奏為奏

聞事懇祈

皇上訓誨遵行



一臣到任之後各屬劣員尚未查明實蹟未敢遽行叅劾今查有屢經訓誨不能稱職如善化縣郭位等十餘員已會同督臣邁柱分別核

題矣目下清查積欠委署印務俱在乏員懇乞

皇上特簡州縣官二十餘員來楚俾得隨時委用理合

奏請

候揀選得人時發往  
聖裁

一湖南人情刁悍詐偽臣到任以來凡屬官進見



俱諄諄訓誨令其誠實無僞屏除機巧化導百姓  
以正風俗即臣於公所聚會之時亦惟以化導人  
心轉移風俗之言反覆告誡近聞附省人民漸有  
愧悔之語尚少俊改之實而遠處人民一時未能  
遍化目下現行獎懲之條大約行之日久感愧漸  
果能清吏治以正民心則地方之雨暘順叙時和年豐  
萌由勉強以幾自然仰仗  
朕可保其必然也  
聖主德威自無不踴躍向善矣

一臣委長協都司謝瓏等復於洞庭湖一帶又拏



積盜秦三等十餘人現在飭審其湘潭武陵亦皆  
多盜之地臣當漸次設法查拏至長沙城內拐賣  
人口之巨惡李大鵬臣已嚴拏又積盜熊金魚暗  
約羽黨屢於常德岳州等處往來盜竊經臣訪實  
設法拏獲現飭審究羽黨而長沙以及各府之有  
名訟棍與不法長隨竝一切匪類容當次第察拏  
以安民生者也

好

一歷來散賑之弊由於姦胥捏造戶口地棍冒領



代領去冬岳常二府散賑臣委道員查賑鄰縣監  
賑之時即詳加指示臣復訪查舞弊之人十餘名  
去莠方可以茂穀懲惡正所以安良為治之要不外是  
飭令枷示目今賑務雖畢無甚大弊但恐察拏尚  
也

有未淨臣仍在留心察查以濟窮黎也

一湖南糧船開運甚遲向來雖文報冬開實係正  
月盡開行惟雍正六年因糧道楊秘上緊催促故  
得於十二月二十九日開行臣到任後嚴飭該道  
實心速辦該道克遵臣訓去年於十二月十一日



開行全幫北上矣

一長沙協都司謝瓏擒拏盜匪頗著勤勞今有臣  
標右營遊擊缺出可否以謝瓏補授其都司員缺  
查有長沙協守備仇之苞勤慎諳練堪以補授其  
守備員缺查有奉

旨命往臣標候補之苟思賢例應補授臣已與督臣邁  
柱會

題統候



題到有旨  
聖裁

一湖北提塘袁炎湖南提塘袁熾兄弟二人把持  
二省塘務結交諸屬互通信息素稱多事臣前曾  
告之邁柱已將袁炎革黜所有袁熾經前撫臣王  
國棟追繳委牌仍敢把持塘務於新中文武舉子  
強索喜錢臣細訪的實現在發司審擬草此二人  
似此不法之徒亟當嚴處示儆  
之後將來北南二省弊端可以漸次清理矣

一王國棟去年十一月初四自湖南回京到武昌



時聞

旨令其緝拏逸盜即回長沙王國棟不勝羞愧於本年  
正月初七日親往永州府緝拏荆之寶案內逸盜  
曾向臣言如其不獲當直抵廣西交界設法協拏  
臣囑其非殫心竭力并懸大賞難以全獲王國棟  
王國棟已內用矣  
亦欣然領受而去理合奏

聞

一臣准廣東巡撫傳奏咨文拏獲私散劄付姦棍



李時英等一案到臣臣即飛查各屬有無此等姦  
此案乃係一起無賴詐騙之徒耳  
棍竝密訪嚴拏去訖理合奏

聞謹

奏

匪類之為害地方甚於盜賊當於平日留心搜緝何待  
粵省咨文始行密訪嚴拏耶此等事在湖南更為切要  
不時加意稽察可也

同日又



奏為請

旨事臣等查湖南衡州府近日盜竊潛聚民情刁悍永  
郴等處苗徭雜處俱屬緊要其道員汪樹未能整  
飭吏治屏絕姦邪及委署藩司亦不過循繩守墨  
而已但其為人忠厚有餘操守尚好非幹練綏輯  
之員應以京職調用頗稱允協所開道缺查有奉  
旨留湖南遇缺題補之原任寶慶府知府許登瀛委署  
臬司清理積案俱稱平允設法拏獲大盜鄒細株



仔等賊亦屬實心不避嫌怨仰請

聖恩補授衡永郴道缺庶苗疆重地有得人之效矣臣

等未敢擅便伏祈

皇上睿鑒施行謹

奏

所奏是已有旨諭部矣

湖南巡撫臣趙弘恩觀風整俗使臣李徽謹

奏為奏請



聖訓事臣等准到刑部侍郎杭奕祿咨文奉

旨爾帶曾靜由江寧蘇州至杭州由杭州差人將曾靜送至湖南巡撫衙門令伊回家料理家務畢著伊自行投到觀風整俗使李徽衙門聽用如伊欲他往不必阻留欽此等因到臣臣等仰見

皇上聖德如天明竝日月宥一因而可以絕億萬人為逆之心寬一惡而可以開億萬人向善之路臣等

每每宣布



聖恩訓化官民凡有血氣之人亦皆歡忻鼓舞至於山野庸愚蠢頑無靈者恐習久而難化或生疑而從緩臣等愚見以為曾靜之感化愧悟係身親目覩聖天子之人似應令其遍歷鄉村周詳開導庶使蠢頑無靈之輩聞其言而耳目頓開心胸爽豁或可為移風易俗之一助也俟曾靜遍歷之後任其他往不必阻留其曾靜日用臣等量為捐給合并陳明再臣李徽前同王國棟會



奏提塘袁熾已經釋放周楠遞回原籍安插應否如  
自應如是袁熾如有別案事故趙弘恩另行提訊可也  
是伏祈

皇上批示遵行謹

奏

覽

雍正八年四月初三日湖廣總督臣邁柱湖南巡

撫臣趙弘恩謹

奏為報明事臣等據新設保靖縣知縣王欽命詳稱



桐油坪民人王應龍等被六里毛狗等寨兇苗石  
當捕等因勒索保寨舊規鹽銀不遂於二月十九  
日統領苗衆執械刺傷王師山一人搶擄財物燒  
燬房穀等情到臣等伏思王應龍等自改土歸  
流之後即係內地人民石當捕等何得仍索舊規  
乃敢肆行剽劫統衆逞兇若使少為寬縱勢必貽  
害地方搶殺之漸斷不可長臣等星飛移飭鎮筸  
道鎮等察度情形前往擒拏如負固抗拒即相機



擒剿庶地方得以寧靜理合先行奏

聞謹

奏

切勿輕舉妄動汝等督撫二人再當加詳加慎籌計妥  
確然後奏請舉行好大喜功之念萬不可存

同日又

奏臣等竊思永順府縣等處自改土歸流之後再將  
姦惡之舍把頭人革除是各土民皆知安居樂業



之美矣但查六里紅苗尚未輸誠終屬隱慮臣邁

柱前經

奏明應俟永保桑建治立營布置詳備之後緩緩招撫將來自必向化歸誠已蒙

睿鑒今永順已經設立一府四縣并設協營官兵規模已定則招撫六里之策正須及時籌畫臣等詳加商酌應由六里而至崇山衛直抵貴州之正大營等處逐寨招撫隨地設汛使兩省聲息相通互為



策應其界連川黔各土司之處亦分設營汛毋得  
聲張并密會川黔二省嚴飭漢土官兵加意防範  
再有接連鎮筵四營所屬之紅苗地方亦令四營  
各安塘汛直通六里內外聯絡則六里紅苗孤立  
其中尤易就化誨至永桑西北施南等各土司係  
湖北恩施縣管轄其地介於容美酉陽兩大土司  
之中素受容美酉陽箝制侵擾多半離心近見永  
桑改土之樂亦有觀望之心若恩施縣令得人撫



之甚易臣邁柱先因守備鈕正已向為諸土司所信服特請改補恩施知縣已蒙

皇上恩准現在密令鈕正已留心辦理使此十餘土司盡皆歸化則自湖北之恩施直抵湖南之永順地界接連得成犄角之勢而容美酉陽二處中間隔斷使不能為狼狽之姦矣至於川屬之酉陽等土司近連黔楚兩省而附近湖廣者居多去川寫遠湖南諸苗向化之後或可相繼化誨酉陽歸化則



滇黔川廣各省氣脈相通中無間隔矣目下楚南  
先務當以安兵設汛聲應氣通應令道員王棻再  
選文職數員從保靖交界之花園土城起自近及  
遠逐一招徠由崇山衛等處直與貴州之正大營  
相接仍一面於三分耗羨內動支獎賞歸順之苗  
使諸苗既感且畏自獲踴躍向化但招撫一處即  
設一處塘汛隨招隨設尤易為力應選副將及同  
知等員弁竝兵一千二百名會同前往酌量安設



分布臣等仍一面相機辦理臣趙弘恩於接會督  
臣鄂爾泰時四晝夜詳細言之俱相脗合此係臣  
等庸愚所見謹請

皇上教訓遵行謹

奏

事關重大交廷臣議覆後另降諭旨

湖南巡撫臣趙弘恩謹

奏為奏



聞事竊臣據辰永靖道王柔面稱監守辰關稅務業經三載已有成局第道署駐劄鎮筵去辰關寫遠須

不時清查苗疆方無貽誤懇請另委別員專司稅務等語臣思六里地方正在需員料理可否將辰另候諭旨關稅務改委他員管理之處伏乞

皇上訓示遵行再岳常道溫而遜奉

旨清查江南積欠回期尚遠現在署理岳常道長沙府知府孫元辦事明白居官勤慎稽察隄工竝管理



鼓鑄俱有條理是以長沙府缺臣前具

題請以候補同知知州之趙侗敷暫為署理但該員  
現署道州兩月以來查其守雖有餘才幹不足首  
府衝繁似難久任湖南諸員中一時不能得人懇  
求

皇上敕部另揀幹員署理長沙府印務庶要缺收得人  
已有旨諭部矣  
之效矣謹

奏



覽

同日又

奏為酌留能員恭請

聖訓事竊惟湖南吏治民風皆需整理而守令各官必  
得熟悉之員目今現任各官半係初試臣雖竭力  
指示恐一時驟難獲效臣於本省緣事離任各員  
內查有原任岳州府知府李渭年富力强才能堪  
任係因按察使何錫祿附夾私稟案內審明止係



揭報遲延部議革職繼因顧琛虧空倉穀附叅註冊業已獨賠完結又原任武岡州知州陳率先熟諳苗疆係因推諉盜案降調嗣因史惇化反噬許登瀛案內牽連審明完結現應赴部改補又原任湘陰縣知縣侯國正係因虧空漕穀叅革限內通完

題准免罪還職又原任嘉禾縣知縣王惟修安鄉縣知縣胡天界俱係丁憂離任交代清楚現應回籍



以上三員亦皆才可辦事熟悉風土可否仰邀

聖恩俯准將王惟修胡天界令其回籍料理喪事後仍  
速來楚委用陳率先侯國正亦即留楚酌量以知  
縣

題補李渭留楚遇有地方公務差委效力俟著有成  
效另為送部引

見候

旨錄用臣因地方人材起見第與成例未符未敢率



題謹具摺陳

奏是否可行伏乞

皇上訓示遵行謹

奏

交部議奏覆到有旨

雍正八年五月二十六日湖廣總督臣邁柱湖南

巡撫臣趙弘恩謹

奏為報明事竊查前據保靖縣詳報六里毛狗寨兇



苗石當捕等燒劫桐油坪民王應龍等一案臣等  
隨飭移鎮竄道鎮察度情形前往擒拏如負固抗  
拒相機擒剿并繕摺奏

聞茲據鎮竄鎮臣周一德道臣王弼文報已於四月二  
十九日誘獲苗犯石老滿等四名并稱石當捕已  
故等情到臣臣等隨令就近質取確供報酌外所  
有獲犯緣由理合奏

聞再臣等另接鎮臣周一德致書移咨竟因此案帶領



遊擊弁兵乘便招撫各里諸苗并已招賞苗目二

十七名臣等以招撫六里現在具

奏自應請

旨辦理未便遽行隨先後移覆令其候

旨遵行其已招之苗仍令撫綏防範去訖又據慈利縣

知縣馬廷相設法擒獲惡棍辛得揚併伊婿劉伯

宰二名其辛鳳來現在嚴緝合併陳明謹

奏



已經就撫之苗衆諭令周一德善為綏輯切勿因輸稅  
納糧等細事致滋擾累其辛得揚之子辛鳳來一犯嚴  
緝務獲毋使漏網

湖南巡撫臣趙弘恩謹

奏為恭謝

天恩事臣前叅署耒陽縣鄒昌時鑽營狡黠實因湖南  
每尚夤緣兼多詐偽臣自到任以來屢以風俗人  
心時時勸戒化誨無如諸員尚在半信半疑未能



不得不題全去積習故臣不得不參一語甚謬凡百事惟應論當與不當何論  
得不得耶早知汝係不得不為之舉則朕之獎汝明治  
題參以警其餘乃蒙  
理顧大體竟大誤矣  
聖恩特加一級臣隨具本

奏謝伏念臣屢沐

聖主重疊天恩破格優容感激涕零刻刻在念惟有誠  
實無偽共相勸勉以圖報

聖主殷殷訓誨之恩於萬一耳謹再具摺

奏謝



天恩謹

奏

覽

雍正八年十月二十八日湖南巡撫臣趙弘恩謹  
奏一臣因六里苗性兇頑恐難化誨故令王柔由花  
蘭帶兵而進倘苗梗化則周一德之兵可撓其背  
復令周一德由陽孟寨而進倘苗梗化則王進昌  
之兵可擊其後臣帶提標辰協健兵七百五十名



以為應援仍復聲揚大兵繼後臣至鎮筵聞苗衆俱願就撫臣宣講

皇仁重加賞賚畢又因向年會勘之鎮筵紅苗內尚有實未輸誠者趁此六里苗衆感激

聖慈又見臣等兵威且周一德向以鎮筵苗目食糧轉化餘苗因而苗衆服其指使即令周一德帶兵持賞又往化誨鎮筵紅苗安設四路塘汛順勢布置似易為力也鎮筵紅苗與六里接壤六里與保靖



覽

接壤此番化誨西南一帶可以聲應氣通矣

一六里苗衆歷年陷匿內地人口經臣化誨之後  
情願獻出以贖前愆者臣俱分外給賞并將人口  
資給路費飭回原籍此後陸續獻出者臣當照前  
辦理又各苗僉稱康熙五十年間認納雜糧七十  
二石八斗四升今雖內有撥歸黔省寨戶而楚屬  
苗民情願仍照原額均納情詞懇切可否仰邀  
聖慈特予寬免一年以獎向化之誠此臣庸愚之見伏



具本題奏  
睿鑒施行

一臣自議撫六里之後辰永道王柔鎮算鎮周一  
德副將楊凱辰州府白豐互相稟揭非好大喜功  
即私相妬忌臣已屢加訓飭及臣抵六里又見彼  
等量小識卑爭長卸過種種不合之處臣或厲色

訓誡或婉轉開導宣揚  
果已和衷辦事又何必奏聞於朕  
聖訓至再至三彼等亦知愧悔皆和衷辦事矣



一六里毛狗寨兇苗石當捕等燒劫保靖縣民王  
應龍一案臣於招撫六里之時據王柔稟稱受傷  
之王師山已愈而行兇之石宜三被傷身死石張  
四在監病故請將無辜之彭老聶等釋放其起事  
之石老滿枷責完結等情到臣思石老滿等所  
犯在未經化誨設官以前似應從寬完結於招撫  
安設之事庶無畏縮隨飭令王柔照議發落理合  
奏



聞是

一臣往六里之時時值嚴冬隨往文武員弁兵丁遇有衣帽盤費無備者臣仰體

皇仁量加資助又自長沙以至辰州若令各自雇船不無爭鬪擾民之事臣俱照依時價代雇船隻又添補一切軍裝器械又賞賚隨臣進撫兵丁及沿途各營兵弁又賞給獻出人口之苗及備辦藥物等項臣俱飭委辦錢糧之靖州知州楊輔臣暫動公



項應付共二千五百九十三兩零將來未便開銷  
報部已飭糧道刁承祖於臣養廉內扣除解交藩  
庫以歸原欸庶公項不致牽混也謹

奏

此等處雜費應動支公用項下銀兩者

雍正九年正月二十八日湖南巡撫臣趙弘恩謹  
奏一直隸靖州處湖南極邊為黔省咽喉民苗雜處  
最關緊要武職已設協治而文員止設知州未足



以資彈壓且既有催科之責復有統率屬縣之任  
兼顧維艱臣愚以為似應將靖州改立府治府城  
添設一縣同原屬之綏會通三縣歸知府統轄該  
州額徵錢糧等事歸新縣徵辦既設府縣則州判  
應改府通判并添改府縣首領佐雜以成一府一  
縣之制似於邊疆有益但事關更制未識當否伏  
乞

皇上訓示如蒙俯允其應補知府有現任靖州知州楊



輔臣任靖有年苗疆熟諳以之授此新設知府人地相宜合併陳明統乞

聖訓以便揀選應補通判知縣等官及一切事宜彙疏  
另

題

一湖南一省幅員遼濶江湖寬廣長沙乃省會重  
地居兩粵之下游為洞庭之鎖鑰岳州常德各有  
水師一在湖之北一在湖之西相距甚遙臣愚以



為似應於長沙添設水師營即可扼守兩粵更可  
聯絡岳常水師於地方有益其官兵船隻倣照岳  
常之例設備事關添設營治未識當否伏乞

皇上訓示遵行謹

奏

此皆地方緊要重大事務應與督提悉心籌計再四商  
妥然後舉行今據一已之見率爾具摺奏請甚屬孟浪  
雍正九年三月初七日湖南巡撫臣趙弘恩謹



奏一欽奉

上諭頒發銀二十萬兩於洞庭湖舵桿洲建築石臺以  
為舟船停泊避風之所臣於二月二十七日抵岳  
州會同督臣邁柱往勘舵桿洲建築石臺基址竊  
洞庭大湖當此仲春尚爾浩渺無涯夏秋泛漲洵  
屬危險今蒙

聖恩頒帑建臺從此行舟商賈永無覆溺之虞誠補千  
萬年之缺陷臣等現在遴員辦理其估計工料冊



聞覽

另行核實奏請所有往勘緣由相應奏

一荊州府鈔關向來設於通達川省之外江沙市  
稽查川楚商販出入上而彝陵下而郝穴設立關  
口而內河之草市等處亦設關卡止抵荊州之貨  
船一槩徵收船稅相沿雖久現今各官亦無侵隱  
但貨船到荊知府已徵落地稅鈔關又徵此船稅  
以致諸物價值昂於他郡兵民實多拮据商販亦



苦煩擾臣懇

聖恩俯將荊州鈔關移設彝陵州將自楚往川船隻及  
自川來楚船隻竹木照舊權稅其餘各關口槩行  
裁撤貨物仍聽知府照舊徵收落地税銀所有鈔  
關船木稅

恩施免徵則彝陵咽喉重地稽察權稅兩有實際而荆  
郡兵民商販頂沐

聖主蠲賦惠養之殊施實無紀極臣因仰體



應言之督臣邁柱於王士俊到任後公同悉心酌議具  
皇仁雖事屬隔省不避忌嫌據實直陳如有可採伏乞  
奏  
皇上特敕施行

一臣於三月初二日接准部咨奉

旨山西按察使員缺著溫而遜補授欽此所有署岳常  
道長沙府孫元督理堤工魚管鼓鑄盡職無誤署

長沙府戶部郎中魚海源辦事勤慎懇請

已有旨諭部矣  
聖恩准其實授庶兩缺收專責之任矣

一湖南入春以來雨水均調米價亦平合併陳明



謹

奏

湖南雨水米價情形知道了

雍正九年七月初三日湖廣總督臣邁柱湖南巡撫臣趙弘恩謹

奏為遵

旨密奏事本年五月初三日臣接大學士公馬爾賽等寄信雍正九年四月初九日奉



上諭桂陽州縣等處舊經開採之礦及附近省會多產  
米糧之州縣或果有益商民兼資鼓鑄令趙弘恩會  
同邁柱確查定議具摺密奏請旨等因欽此臣趙弘  
恩隨札商督臣邁柱以桂陽臨武綏寧三州縣議  
以開採商得謀利民得謀食所獲銅鉛又可以資  
鼓鑄臣邁柱以地方所係事尤重大開此三處雖  
選召殷商募用本地人夫且禁官役親識衿棍攬  
越等弊立法固善然利之所在人所必趨法令雖



嚴弊難悉除為日既久外籍不能拒其不來食口  
既多米價恐貴臣等查前於三月十一日奉到

上諭臣趙弘恩一面奏請仍一面飛飭將現開之五處  
於兩月之內陸續停止去後今俱已停止封禁文  
報在案臣等合詞議

奏謹遵

諭旨俟黔省之稿坪古州寧帖後再行請

訓遵行謹



奏

停止開採甚是向後似此貪利之事不可輕舉妄動

雍正九年十月初十日湖南巡撫臣趙弘恩謹

奏一鎮算鎮臣周一德奉

旨來京

陛見派往北路軍前臣隨飭司於公項內借支共銀一  
千兩給與製備行裝盤費之用其伊家口在楚所  
需養廉等項亦飭司酌議寬裕支給以副



汝等辦理此一事錯謬之至  
聖慈

一鎮軍鎮印務已經督臣

題委永順副將楊凱署理楊凱係頗諳苗情之人但  
性不安靜臣惟與督提二臣時加囑勸務期文武

留心

和衷不得因循廢弛亦不可恃才苛求以冀寧謐  
試用看  
地方

一臣一介庸愚荷蒙

聖恩教誨竝諭臣效法滇省督臣鄂爾泰公忠報效



高厚深恩粉身難報今鄂爾泰進京

陸見十一月中旬可抵常德府臣擬臨期前往悉心請  
若能心悅誠服實力體驗方能有效徒於外像施設間

教以期不負

請教亦復何益之有  
皇上諄諄訓誨之至意理合奏

聞

一從前採試桂東等處礦廠行據司道查報併據  
彼地文武員弁具結回稱實係有籍民人並非患  
州礦徒自封閉之日立即各歸安業地方寧靜等



各歸安業不敢偷挖之語豈可盡信為然仍當不時察情臣覆察無異除仍飭令時加稽查勿致復聚偷訪方是

挖外理合奏

聞

如再不黽勉自新則為下愚之輩矣  
一臬司胡瀛到任五月以來臣留心察訪辦事歷

練為人正道糧道李正茂原係好員但不知向後能無

改移

否也

百姓補種晚稻雜糧頗屬急公合併陳明

一楊永斌諳練老成實心急公可勝鉅任前往廣

東時因彼地盜賊繁多官不和衷與臣商酌臣囑



要

其懸賞捕緝治首惡以安餘黨和衷感化推誠信  
而息機械近復詳細札商臣隨一一指示併囑公  
忠二字楊永斌不待汝之勸勉汝當以此自勉為  
忠二字刻不可忘每有人言廣東勤於操兵已有  
和衷共事景象積久諒自潛移默化臣有所聞理  
合奏

聞謹

奏

覽



雍正九年十二月初三日湖南巡撫臣趙弘恩謹  
奏一臣於十一月初九日自長沙起身於二十四日

接見滇省督臣鄂爾泰相聚一晝夜將臣所辦事

宜詳細商酌請教凡居心行事鄂爾泰無不一一  
相對有無愧怍實心效法與否自問自知何必奏朕  
指示臣覺茅塞愈開惟有敬法其公忠報

主竭此血誠於不息也今於十二月初一日回長理合  
將回署日期具摺奏

聞



去偽一湖南連歲有收人民安業文武官員俱以去偽  
存誠為榮猜嫌欺詐為恥將此二語且自加勉至  
於文武通省之衆姑徐言之  
激

皇上諄諄訓誨之恩不肯各失其天良也臣時加觀察  
莫貽掩耳盜鈴之誚凡此蓋緣數年以來汝之性情好  
通省官吏兵民實漸有返樸還醇景象至於永綏  
惡一切伎倆皆被屬員窺破故作是語以欺汝耳此正  
汝之苗民兵丁亦知感激和睦自安籠鎮臣韓勳剿滅  
稿坪見不及從前處否則湖南何以移風易俗至於  
如斯之速耶觀汝矜肆若是竟視為已治已安朕深憂  
天威振及鄰寨六里諸苗愈加震恐而不敢妄生異志



汝必有不妥協事隨之也如其不然或係有心粉飾以  
誑奏於朕則汝更屬不可問矣敬慎思之  
聞

一湖南武陵湘鄉湘陰平江巴陵五縣自康熙五  
十九年至雍正六年共積欠銀四萬三千一百四

十六兩零近因年歲有收百姓感激

交納錢糧乃地方平常事且通省皆有何須專指此五  
聖恩爭相交納共完過三萬六千餘兩現今下欠六千  
縣奏聞耶三百餘兩漸次自能清結也謹

奏



覽

同日又

奏為恭謝

天恩事竊

臣前遣臣子趙松紋齎赴京懇求

聖主恩發跟隨侍衛班聯習學規矩荷蒙

聖慈即賜

召見更蒙

天恩遣回任所教管俟二三年後再送來引



見臣接奏事張文彬等來字不勝感激惶悚臣子松紋  
實係平庸不堪惟有恪遵

聖訓嚴行教管以仰副

皇上格外生成之殊恩所有臣及臣子感激微忱謹具  
摺

奏謝伏乞

聖鑒謹

奏



汝子松紋實可謂朽木之質不堪雕琢也

雍正十年正月十六日湖南巡撫臣趙弘恩謹

奏竊照湖南歷年自十月後至三月間陰雨不晴冬  
令偶有小雪正二月大雪去年三冬共有大雪三  
次每次雪後即晴明數日黃童白叟爭云自

皇上恩加南民時頒

聖訓諄諄告誡百姓皆知改過遷善是以感動

天和應時落雪雪後即晴小民易於貿易營生喜逾尋常



同聲異口至於今歲豐收雖難預料臣惟謹遵

聖訓實心實政念切民瘼時加修省以召

天和所有去冬雨雪應時百姓感戴

聖慈情形理合奏

聞謹

奏

湖南得雪情形以手加額覽焉

雍正十年閏五月初七日湖南巡撫臣趙弘恩謹



奏為據實奏

聞事本年四月十二日准戶部咨據辰永道王柔條奏  
請令腹內農民分發苗地墾荒五金礦廠准令採  
取樹木分別畜伐田地按則徵糧等款經大學士  
鄂爾泰等議覆王柔所稱按則徵糧苗土心願樂  
從但滇黔從無按畝輸糧之例今湖南苗疆事屬  
創始應交與邁柱趙弘恩秉公商酌查明本地實  
在情形悉心妥議具奏奉



旨依議欽此等因到臣臣查永順苗土諸人昔受土司殘虐自相仇殺荷蒙

天恩俯准歸流兩載以來內外寧靜凡屬臣工自當因其利以利之庶可消其貪惡狡詐之故習啓其尊君親上之天良臣前冬親往六里時見永保一帶苗人鳩形鵠面鶉衣赤體者不可數計蓋因殘虐仇殺以來元氣未甦不能盡力隴畝竝非不諳耕種而必藉腹內農民指授也故臣屢飭勸墾又據臬司



胡瀛條陳批令清查請給公項資助牛種行之既久自無曠土其添設之官兵原係內地食粟人口王柔所稱價昂民累兵苦苗蠹之慮甚屬不經腹內農民自有恒產現在腹內荒地人力尚不能盡良善之民又焉肯離鄉冒險出資買墾其趨利而入者勢必强悍無賴之輩侵佔爭鬪唆苗為非為患滋大王柔所請招民開墾之處合之本地實在情形於漢於苗均無裨益而有後患又五金礦廠



久經封禁且苗礦雜產硫磺恐滋爭鬪王柔所請  
採取之處合之本地實在情形不獨無益而有後  
患又山林樹木砍伐出售原未禁止商運過關亦  
俱抽稅王柔所請伐木輸稅之處不獨含混亦屬  
贅詞又田地按畝徵糧查昔年苗土不得與內地  
人民同享安寧之福今幸歸流受撫自不忍按畝  
陞科故前蒙

聖主浩蕩天恩特免勘丈令照原額均攤苗土感激莫



可名言夫按畝科糧較之原額多寡有霄壤之分  
人情喜愠亦瞭如指掌尚云心願樂從斷無是理  
王柔所請按畝徵糧之處既違

諭旨復擾苗邊凡此數處皆臣身經目覩實在情形除  
密行兩司轉飭查議竝飭不得洩漏致苗土疑畏  
以啓邊釁臣復咨商督臣邁柱另行會

題外理合據實奏

聞謹



奏

所奏是王柔雖識見淺狹秉性粗直然肯勇往效力操守頗廉猶係難得之員當加寬容惜其所長勉其不逮而用之母事吹毛求疵從來上司屬員辦事不克和衷於地方無益也

雍正十年六月二十七日湖南巡撫臣趙弘恩謹  
奏一湖南南嶽為我

皇上主壽之山康熙四十三年內蒙



聖祖仁皇帝遣官致祭隨經前任撫臣趙申喬

題明北南各官捐俸修建殿宇碑亭竝

御書樓藏經閣數處歷今年久多有朽壞滲漏應需修理

前據該縣詳報臣隨批行布政司委令衡永彬道

許登瀛親勘估計造冊前來查捐輸俸工久奉禁

止其估計工料需銀八千四百餘兩據北南二省

藩司會詳於北南公項銀內各半動支給發興修

恭祝



皇上無疆之壽等因到臣除會同湖廣督臣邁柱湖北撫臣王士俊咨明戶工二部外理合奏

好仍候另有諭旨  
聞

一湖南早稻收成分數長沙府屬十分者十之一  
九分者十之五八分者十之二七分者十之二衡  
州府屬十分者十之二九分者十之三八分者十  
之五永州府屬十分者十之四八分者十之六寶  
慶府屬十分者十之二九分者十之四八分者十



之四岳州府屬九分者十之三八分者十之四七分者十之三常德府屬俱有八分辰州府屬十分者十之四八分者十之六永順府屬八分者十之五七分者十之五澧州屬俱有八分郴州屬十分者十之二九分者十之三八分者十之五靖州屬十分者十之二九分者十之四八分者十之四各府州屬上米每石價銀六錢起至七錢不等中米每石價銀五錢五六分起至六錢五六分不等一



切麥豆雜糧價值俱各平減鹽每包價銀一錢五  
六七八分不等自四月至六月各府州屬雨水霑

以手  
足理合奏  
聞謹  
加額覽之

奏

覽奏俱悉

雍正十年八月初三日湖南巡撫臣趙弘恩謹

奏一臣於七月十三日據永順府龍山縣知縣袁振



緒稟稱訪得四川酉陽司官拏獲姚世臣等五人  
搜出偽劄及偽印供稱遍歷各省交結匪徒等語  
臣立即飛飭各屬文武官員嚴加查緝根究勿使  
固不宜縱役借端擾民更不宜虛張聲勢反致匪徒聞  
藏匿潛逸竝不許縱役擾民借端生事以致株連  
風逸脫  
無辜臣仍暗加察訪務期地方寧謐理合奏

聞

一七月二十九日永綏同知李珣詳稱六里連歲  
收成苗民感激



天恩歡欣樂業該同知會同副將張霍照依內地州縣  
定制分為四鄉八里按里清編煙戶設立甲長共  
計二萬七千六百五十二名口數月以來苗民知  
有法度亦相遵守等語并造冊到臣臣當加獎諭  
竝密囑新任同知永泰不可因有小效少加疎忽  
仍不時謹慎防範外臣亦留心稽察當無厯

聖懷也謹

奏



覽

雍正十年九月初七日湖南巡撫臣趙弘恩謹

奏一今歲湖南文闈自八月初六日起至十七日天氣晴明臣率同提調道李正茂監試道孫元細心辦理飲食豐足宣傳

聖慈士子欣悅感頌

皇仁毫不多事理合奏

聞好



一新例內外簾官不用本省現任州縣於隣省調  
取進士舉人及奉發本省試用學習之員法至善  
也但彼等俱係未經出仕之員隨從竝無書役查  
內簾不過看文呈薦無須書役至外簾五所皆有  
登號起批解卷巡緝之事必需書役使用臣於今  
科入闈之日即調取附近府縣書役二十人分派  
五所聽用應請

聖恩飭諭各省嗣後預為調撥書吏十人衙役十人先



行封鎖臨時派至各所供役似於外簾更有裨益  
不必特行飭諭者也

一條例內五經卷有另編字號之例各省或有將  
坐號編入一號者臣思五經一途原取實學之士  
若五經編坐一號止須五人各治一經合來改頭  
換面五人皆成五經矣臣今科將五經坐號分散  
各處以杜湊換之弊交卷後始另編字號以便中  
選應請



皇上敕下各省嗣後五經坐號不許編入一處庶所得緊要關係亦不在此者皆實學矣

一臣前奏修葺南嶽廟宇荷蒙

上諭訓誨臣歡欣捧誦不獨茅塞頓開實覺理明心暢仰見

聖慈時時以億萬臣民為念當即大張告示遍諭楚民而省中百姓交云

皇上因南嶽之神佑民豐歲即



救興修老少歡呼同聲異口臣已委令衡州府給發銀  
務令堅固完整以垂永久勿致草率從事侵冒開銷徒  
飽不肖官吏之貪腹  
察驗敬謹辦理也

一湖南晚稻之後百姓從不冬耕去歲經臣通飭  
補種雜糧并委糧道李正茂親行勸諭亦有補種  
者春間收穫人情踴躍今歲八月間臣與李正茂  
復行捐種一百二十石分賞農民現在爭相耕種  
數年之間交相做法南民益享充足之利矣謹



奏

覽

同日又

奏為奏

聞事竊查岳州府平江縣僧人被殺一事身有五傷該  
縣李鳳生驗報自殺該府崔玲審以疑竇多端請  
員另審臬司胡瀛詳改委員審係關國觀風整俗  
使李徽云係自殺仍應竝叅知府經臬司審以身



有五傷難云自殺知府竝未成招定擬難以竝劾  
因此李徽向胡瀛有操戈之勢臣嚴飭胡瀛和衷  
忍氣隨臣入闈之後李徽於十六日咨查胡烈賂  
博李陞命案二事二十五日親到闈中力責胡瀛  
二十八日具本

題叅移送揭帖到臣臣見所劾不確於出闈之日已  
經分晰具

題在案無庸瀆陳外臣知李徽素性迂腐事不諳練



李徽朕原取其天良未失而用之此外實無一長可取  
因其天良未失是以三年共事去短取長婉轉感

豈待

汝奏耶

化凡有受辱屬員臣俱諭其忍耐謙和再三勸釋

此人所共知者也況此等瑣碎之事臣忝封疆重

任止宜化解消釋何敢因其劾臣遂懷私心瑣瀆

聖聽以傷大體實因李徽既已具

題理合將前後情節一併據實奏

聞謹

奏



此互叅情節於未經汝奏之先早有旨矣

雍正十年十月初十日湖南巡撫臣趙弘恩謹

奏一乾州所屬之甕流溪等九寨并新撫夯坨上下  
二寨苗民歸化每年願納雜糧四石二斗八升已  
經會

題在案

臣

查六里苗民雜糧業蒙

聖恩念其向化之誠免徵三年今甕流等苗理合奏懇  
聖主一視同仁伏候



題到之日有旨  
特旨施行

一奉

命湖南試用人員俱已陸續委署現今修舵桿洲石臺  
南嶽廟宇新設郡邑城垣衙署及勸民接種雜糧晚  
稻需員協辦仰懇

聖恩簡命雜職二十員來南隨時差委遇缺署試謹  
奏

該部知道



雍正十年十二月初四日湖南巡撫臣趙弘恩謹  
奏一今歲湖南各屬俱係收成米價甚平人民樂業  
因江蘇商販米穀過多以致長沙米價驟長至九  
錢一兩不等經臣出示并咨商督臣北撫臣暫停  
江蘇販運之役米價仍復漸減并咨江蘇撫臣如  
需米穀差員來楚動支倉儲售濟庶北南江蘇三  
此條業命廷臣議覆將所議併發遵照行之  
省百姓食米之價俱平而姦販不致囤積網利矣  
一六里自勸種之後苗人踴躍從事文武諸員時



時宣布

皇仁苗人頗有感激情形昨因貴州臺鞏兇苗不法臣

所見是無隙生釁致滋事端當即密飭加謹防範留心  
查看據云安分樂業毫無異志然苗性反覆無常

臣惟不時查探防範以期無虞也

甫云反覆無常又言似無意外之慮何前後矛盾若此  
一永順保靖桑植等處土人久已安分近因漢苗  
但不時查探防範可也  
結親義學誦讀益覺感激循分似無意外之慮矣

一貴州九股苗人不法已經攻剿數寨所調楚兵



准文撤回在案茲於十二月初一日復准常德提  
臣張正興以奉

旨令貴州提臣哈元生回黔恐哈元生經由常德即需  
帶兵前往已預派湖南兵丁二千名伺候等語密  
移到臣查所派即係前撥赴黔官兵前已借銀  
製就行裝當飭不得花費至需用糧草夫船亦飭  
所屬一體預備無厯

好  
聖懷也



一前因苗土多荒飭令各屬勸苗開墾并動公項

給發牛種一年以來漸次樂於從事茲有寶慶府

觀鄧

鈺

似一實心任事之員當加以獎勵

邵陽縣徭山向因土寒苗懶該知縣鄧鈺於今歲

三月間親詣各崗發給籽粒所種數處均有五六  
分收成臣復令該知縣再為親行查勸播傳

聖恩該知縣於十月間親歷一十六崗賞給花紅各苗  
鼓舞踴躍開墾因於其地見產靈芝一本即以此  
芝廣行開導宣布



皇仁苗情更覺歡暢迥異尋常理合奏

聞靈芝一本敬呈

御覽

交冬以來雨雪應時於十二月初一初二等日

連得大雪理合奏

以  
聞謹  
頌  
之

奏

逐條批諭矣



硃批諭旨卷二百十六之二